



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1563 usque ad annum 1566

Fleury, Claude

August. Vind. [u.a.], 1772

VD18 90118626

§. 64. Molinæi consultatio adversus Concilium Tridentinum.

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)

retinere æquum non sit. Denique plu-
ra alia proferebant capita, quæ excogi-
tabant, ut Synodum non esse recipien-
dam comprobarent. (*)

Sæcul. XVI.

A. C. 1564.

§. LXIV.

*Molinæi consultatio adversus Con-
cilium Tridentinum.*

Ceteris vehementius contra hujus
Synodi receptionem tumultuaba-
tur Carolus Molinæus celebris Juris-
consultus, cujus jam sæpius memini-
mus. Hic ineunte hoc anno Christi
millesimo quingentesimo sexagesimo
quarto Lutetiam Parisiorum redux die
vigesima octava Februarii consultatio-
nem vulgabat, in qua exposuit, quod
a quibusdam Regiis Consiliariis novem
Synodi Sessiones receperit, quarum pri-
mæ sex anno Domini millesimo quin-
gentesimo quinquagesimo primo Colo-
niæ, ac postea Antverpiæ, reliquæ ve-
ro

(*) Hæc a Parisiensi Senatu fuisse oppo-
sita Continuator quidem refert, sed nullum
omnino testem allegat: qualiter autem hæc
componi valeant cum iis, quæ Continuator
de eodem Senatu in tuenda Synodo contra
Molinæum in §. LXVI. attulit, haud per-
spicimus.

Sæcul. XVI. ro tres Parisiis in lucem editæ fuissent:
 A.C. 1564. illis autem perlectis, atque examinatis
 cenfeat, quod exceptis fidei, ac doctrinæ rebus, atque Ecclesiæ Constitutionibus, necnon morum, ac hominum reformatione, quæ omnia nullatenus reprehendi valerent, (*) hæc Synodus in Franciæ Regno recipi nec possit, nec debeat, cum illa non fuerit legitima, vitiose indicta, & celebrata (**), eoquod
 circa

(*) Haud dissimulandum est, quod Continuator unice, ut proscriptum suum Molinæum, utpote Pontificiæ auctoritatis osorem tueatur, cum veritatis historicæ præjudicio ab eodem Synodum in rebus fidei, ac disciplinæ non fuisse impugnatam testetur, cum tamen Spondanus, & Thuanus, quos allegat, disertis verbis testentur, quod Molinæus Consultationem ediderit, in qua ob multas causas Concilium nullum, vitio indictum, habitum, & terminatum contra antiqua Patrum Decreta, & regni Francici dignitatem, ac libertatem contendebat, quare, qui Religionis negotium Concilio decidendum relinqui debere censebant, ut par est, graviter offensi pervicerunt in Senatu Parisiensi, ut Molinæus tanquam male de Religione sentiens, & seditionis scripto illo incentor, ignominiose in carcerem conjiceretur.

(**) Caroli Molinæi cavillationes solide
 con-

circa politicum Regimen multa præceperit, quæ pugnarent contra vetera Franciæ Concilia, Regni jura, Regis Majestatem, & dignitatem, suorum edictorum, sententiarum, ac Senatus consultorum, atque supremam aliorum Principum auctoritatem: insuper agebat, eandem Synodum adversari Ordinum statutis, juribus, libertatibus, atque Ecclesiæ Gallicanæ immunitatibus, necnon legitimam, ac minime temeram præberi suspensionem, quod Papa Inquisitionis Tribunal in Gallias introducere velit. (*) Postea sigillatim

Sæcul. XVI.
A.C. 1564.

confutatae sunt a P. Natal. Alex. Hist. Eccles. tom. 18. Sæcul. XVI. art. 16. dissert. 12.

(*) Si quis ea, quæ prius hanc in rem ex Thuano, & spondano adduximus, cum hisce dictis conferat, facile deprehendet, quod Continuator in confingendis, atque excogitandis Sacrosanctæ hujus Synodi vitiis ipso etiam Molinæo longe magis fecundus fuerit: rationes enim ab hoc Scriptore allatæ eidem non sufficiebant, quia nullam mentionem expressam fecit de Ecclesiæ Gallicanæ libertatibus, & solito suo terriculamento, nempe Inquisitione, de qua tamen in Gallias introducenda nec Pontifex, nec ullus Synodi Pater vel unquam somniabat.

Sæcnl. XVI.
A. C. 1564.

tim causas, ob quas Synodum esse nul-
lam arbitrabatur, recensabat, simul-
que adducebat rationes, quibus suam
opinionem stabilire nitebatur. Porro
hanc consultationem Antonio Cruic
nuncupatam Molinæus eodem anno,
absque tamen Regis privilegio Lugdu-
nensibus literis excudi curabat.

§. LXV.

*Molinæus in carcerem conjectus, ac
postea Regis jussu liberatus.*

Thuan. l. c.

Hic Zelus (*) Molinæo funestus acci-
dit; quippe Synodi fautores plura,
eaque sat adversa negotia eidem facesse-
bant: præprimis autem ad Parisiensem
Curiam citatus juxta juris præscripta
in pleno Patrum confessu circa librum
eidem adscriptum interrogatur, ubi hic
se illius auctorem, atque a se Lugduni
typis mandatum fuisse fatetur: mox
ergo percepta hac confessione in carce-
rem conjicitur, utpote perverse de Re-
ligione sentiens, ac libello suo seditionem
conflare intentus. Postea omnia
ejus scripta in indicem rediguntur, cum-
ctisque Typographis, & Bibliopolis pro-
hibetur, ne ejus librum, aut vendant,
aut divulgent. Sub idem tempus Rex
acce-

(*) An hic Zelus secundum Deum fuerit
Catholici Lectoris judicio relinquo.